

0.0.1 māratajjaniyasuttam

1. evaṃ me sutam: ekaṃ samayaṃ āyasmā mahā-moggallāno¹ bhaggesu viharati suṃsumāragire² bhesakalāvane migadāye. tena kho pana samayena āyasmā mahāmoggallāno abbhokāse caṅkamati.

2. tena kho pana samayena māro pāpimā āyasmato mahāmoggallānassa kucchigato hoti koṭṭhamanupaviṭṭho. atha kho āyasmato mahāmoggallānassa etadahosi: kinnu kho me kucchi garugaru³ viya māsācitaṃ maññeti. atha kho āyasmā mahāmoggallāno caṅkamā orohitvā vihāraṃ pavisitvā paññatte āsane nisīdi. nisajja kho āyasmā mahāmoggallāno paccattam⁴ yoniso manasākāsi⁵.

3. addasā kho āyasmā mahāmoggallāno mārāṃ pāpimantam kucchigatam koṭṭhamanupaviṭṭham. disvāna mārāṃ pāpimantam etadavoca: nikkhama pāpima, mā tathāgatam vihesesi⁶ mā tathāgatasāvakam. mā te ahosi dīgharattam ahitāya dukkhāyāti.

4. atha kho mārassa pāpimato etadahosi: " ajāna-meva kho maṃ ayaṃ samaṇo⁷ apassaṃ evamāhaṃ:

¹ bhagavā syā

² susumārahire machasaṃ; suṃsumāgire syā

³ garugaro viya machasaṃ garugarutaro viya syā

⁴ mārāṃ pāpimantam paccattam syā

⁵ manasikāsi sī

⁶ viheṭhasi sī, katthaci

⁷ ayaṃ syā

'nikkhama pāpima, nikkhama pāpima, mā tathāgataṃ vihesesi mā tathāgatasāvakam. mā te ahosi dīgharattam ahitāya dukkhāyā'ti. yopissa so satthā, sopi maṃ neva khippaṃ jāneyya, kuto pana⁸ maṃ ayaṃ sāvako jānissatī"ti.

5. atha kho āyasmā mahāmoggallāno māraṃ pāpimantaṃ etadavoca: "etasmim⁹ kho tāhaṃ¹⁰ pāpima jānāmi mā tvaṃ maññittho: na maṃ jānātīti. māro tvamasi pāpima. tuyhaṃ¹¹ hi pāpima evaṃ hoti: ' ajānameva kho maṃ¹² ayaṃ samaṇo apassaṃ evamāha: nikkhama pāpima, nikkhama pāpima, mā tathāgataṃ vihesesi, mā tathāgatasāvakam. mā te ahosi dīgharattam ahitāya dukkhāyā'ti. yopissa so satthā sopi maṃ neva khippaṃ jāneyya, kuto pana maṃ ayaṃ sāvako jānissatī"ti.

6. atha kho māraṃ pāpimato etadahosi: jānameva kho maṃ ayaṃ samaṇo passaṃ evamāha: nikkhama pāpima, nikkhama pāpima, mā tathāgataṃ vihesesi, mā tathāgatasāvakam. mā te ahosi dīgharattam ahitāya dukkhāyā'ti. atha kho māro pāpimā āyasmato mahāmoggallānassa mukhato uggantvā paccaggaḷe aṭṭhāsi.

⁸kuto ca pana syā

⁹evampi kho machasaṃ, pts, syā

¹⁰tyāhaṃ sī

¹¹tassa sī

¹²ajānameva maṃ syā

7. addasā kho āyasmā mahāmoggallāno māraṃ pāpimantaṃ paccaggaḷe ʔhitaṃ. disvāna māraṃ pāpimantaṃ etadavoca: etthapi¹³ kho tāhaṃ, pāpima passāmi. mā tvaṃ maññattho: na maṃ passatīti. eso tvaṃ pāpima paccaggaḷe ʔhito.

8. bhūtapubbāhaṃ pāpima dūsī nāma māro ahosiṃ. tassa me kālī nāma bhaginī tassā¹⁴ tvaṃ putto. so me tvaṃ bhāgineyyo hosi¹⁵. tena kho pana pāpima samayena¹⁶ kakusandho¹⁷ bhagavā arahaṃ sammāsambuddho loka uppanno hoti. kakusandhassa¹⁸ kho pana pāpima bhagavato arahato sammāsambuddhassa vidhura-sañjīva nāma sāvakayugaṃ¹⁹ ahosi aggaṃ bhaddayugaṃ. yāvatā kho pana pāpima kakusandhassa bhagavato arahato sammāsambuddhassa sāvakā, nāssudha koci²⁰ āyasmatā vidhurena samasamo hoti yadi daṃ dhammadesanāya. iminā kho etaṃ pāpima pari-yāyena āyasmato vidhurassa vidhuro vidhurotveva²¹ samaññā udapādi.

8. āyasmā pana pāpima sañjīvo araññagatopi rukkhamaṃlagatopi suññāgāragatopi appakasireneva saññā-

¹³etthāpi machasaṃ, syā

¹⁴tassā bhaginiyā syā

¹⁵ahosi machasaṃ, syā; hosīti sī

¹⁶tena samayena pāpima sī; tena kho pana samayena syā

¹⁷kakusando syā

¹⁸kakusandassa syā

¹⁹mahāsāvakayugaṃ syā

²⁰tesu na ca koci machasaṃ

²¹vidhuroteva samaññā machasaṃ; vidhuro vidhuroteva pts

vedayitanirodham samāpajjati. bhūtapubbam pāpima āyasmā sañjīvo aññatarasmiṃ rukkhamaṇe saññā vedayitanirodham samāpanno nisinno hoti addasaṃsu²² kho pāpima gopālakā pasupālakā kassakā²³ pathāvino āyasmantaṃ sañjīvaṃ aññatarasmiṃ rukkhamaṇe saññāvedayitanirodham samāpajjitvā²⁴ nisinnaṃ. disvāna nesam etadahosi: acchariyaṃ vata bho. abbhutaṃ vata bho, ayaṃ samaṇo nisinnakova²⁵ kālakato²⁶, handa naṃ²⁷ dahāmāti atha kho te pāpima gopālakā pasupālakā kassakā pathāvino tiṇaṇca kaṭṭhaṇca gomayaṇca saṅkaḍḍhitvā āyasmato sañjīvassa kāye upacinitvā aggaṃ datvā pakkamimsu. atha kho pāpima āyasmā sañjīvo tassā rattiyā accayena tāya samāpattiyā vuṭṭhahitvā cīvarāni²⁸ papphotetvā pubbanhasamayaṃ nivāsetvā pattacīvaraṃ²⁹ ādāya gāmaṃ piṇḍāya pāvisi. addasaṃsu kho te pāpima gopālakā pasupālakā kassakā pathāvino āyasmantaṃ sañjīvaṃ piṇḍāya carantaṃ. disvāna nesam etadahosi: acchariyaṃ vata bho, abbhutaṃ vata bho. ayaṃ samaṇo nisinnakova kālakato svāyaṃ patisañjīvitoti³⁰. iminā kho etaṃ³¹ pāpima pariyaṇena āyasmato sañjīvassa sañjīvo³² sañjīvotveva sa-

²²addasāsūṃ sī

²³kasakā syā

²⁴samāpannaṃ machasaṃ, syā, pts

²⁵nisinnako syā

²⁶kālāṇkato machasaṃ

²⁷handahi naṃ sī

²⁸tāni cīvarāni sī

²⁹pattacīvaramādāya machasaṃ, syā

³⁰paṭisaññīṭhitoti syā

³¹evaṃ sī

³²sañjīvotveva samaññā machasaṃ; sañjīvosañjīvotveva pts

maññā udapādi.

9. atha kho pāpima dūsissa mārassa³³ etadahosi: ime-saṃ kho ahaṃ bhikkhūnaṃ sīlavantānaṃ kalyāṇadhammānaṃ neva jānāmi āgatiṃ vā gatiṃ vā. yannūnaṃ haṃ brāhmaṇagahapatike anvāvisēyyaṃ: etha tumhe bhikkhū sīlavante kalyāṇadhamme akkosatha paribhāsatha rosetha vihesetha. appevanāma tumhehi akkosiyamānānaṃ paribhāsiyamānānaṃ rosiyamānānaṃ vihesiyamānānaṃ siyā cittassa aññathattaṃ, yathā taṃ³⁴ dūsī māro labhetha otāranti. atha kho te pāpima dūsī māro brāhmaṇa gahapatike anvāvisi: etha tumhe, bhikkhū sīlavante kalyāṇadhamme akkosatha paribhāsatha rosetha vihesetha. appevanāma tumhehi akkosiyamānānaṃ paribhāsiyamānānaṃ rosiyamānānaṃ vihesiyamānānaṃ siyā cittassa aññathattaṃ, yathā taṃ dūsī māro labhetha otāranti.

10. atha kho te pāpima brāhmaṇagahapatikā anvāviṭṭhā³⁵ dūsina mārena bhikkhū sīlavante kalyāṇadhamme akkosanti paribhāsanti rosentī vihesenti: "ime pana muṇḍakā samaṇakā ibbhā kiṇhā³⁶ bandhupādāpaccā 'jhāyinosmā jhāyinosmā'ti pattakkhandhā adhomukhā madhurakajātā jhāyanti pajjhāyanti nijjhāyanti apajjhāyanti. seyyathāpi nāma ulūko rukkhāsākhāya³⁷ mū-

³³ dūsīmārassa sī

³⁴ yathā naṃ sī, syā, pts

³⁵ anvāvisiṭṭhā machasaṃ, syā

³⁶ kaṇhā syā; kiṇṇā sī, katthaci

³⁷ rukkhāsākhāyaṃ machasaṃ, syā, pts

sikaṃ magayamāno³⁸ jhāyati pajjhāyati nijjhāyati apajjhāyati, evamevime muṇḍakā samaṇakā ibbhā kiṇhā bandhupādāpaccā 'jhāyinosmā jhāyinosmā'ti pattakkhandhā adhomukhā madhurakajātā jhāyanti pajjhāyanti nijjhāyanti apajjhāyanti. seyyathāpi nāma kotthu³⁹ nadīṭire macche magayamāno jhāyati pajjhāyati nijjhāyati apajjhāyati, evamevime muṇḍakā samaṇakā ibbhā kiṇhā bandhupādāpaccā 'jhāyinosmā jhāyinosmā'ti pattakkhandhā adhomukhā madhurakajātā jhāyanti pajjhāyanti nijjhāyanti apajjhāyanti. seyyathāpi nāma bilāro sandhisamalasaṅkaṭṭire mūsikaṃ magayamāno jhāyati pajjhāyati nijjhāyati apajjhāyati, evamevime muṇḍakā samaṇakā ibbhā kiṇhā bandhupādāpaccā 'jhāyinosmā jhāyinosmā'ti pattakkhandhā adhomukhā madhurakajātā jhāyanti pajjhāyanti nijjhāyanti apajjhāyanti. seyyathāpi nāma gadrabho vahacchinno sandhisamala-saṅkaṭṭire jhāyati pajjhāyati nijjhāyati apajjhāyati, evamevime muṇḍakā samaṇakā ibbhā kiṇhā bandhupādāpaccā 'jhāyinosmā, jhāyinosmā'ti pattakkhandhā adhomukhā madhurakajātā jhāyanti pajjhāyanti nijjhāyanti apajjhāyanti"ti. ye kho pana pāpima tena samayena manussā kālaṃ karonti, yebhuyyena kāyassa bheda parammaraṇā apāyaṃ duggatiṃ vinipātaṃ nirayaṃ upapajjanti.

11. atha kho pāpima kakusandho⁴⁰ bhagavā araham sammāsambuddho bhikkhū āmantesi: anvāviṭṭhā kho

³⁸maggayamāno machasaṃ, syā

³⁹koṭṭho syā

⁴⁰kakusando syā

bhikkhave brāhmaṇagahapatikā dūsinā mārena: 'etha tumhe, bhikkhū, sīlavante kalyāṇadhamme akkosatha paribhāsatha rosetha vihesetha. appevanāma tumhehi akkosiyamānānaṃ paribhāsiyamānānaṃ rosiyamānānaṃ vihesiyamānānaṃ siyā cittassa aññathattaṃ yathā taṃ⁴¹ dūsi māro labhetha otāranti etha tumhe bhikkhave mettāsahagatena cetasā ekaṃ disaṃ pharitvā viharatha, tathā dutiyaṃ tathā tatiyaṃ tathā catutthiṃ⁴² iti uddhamadho tiriyaṃ sabbadhi sabbattatāya sabbāvantāṃ lokaṃ mettāsahagatena cetasā vipulena mahaggatena appamāṇena averena abyāpajjhena pharitvā viharatha. karuṇāsahagatena cetasā ekaṃ disaṃ pharitvā viharatha, tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ karuṇāsahagatena cetasā vipulena mahaggatena appamāṇena averena abyāpajjhena pharitvā viharatha. muditāsahagatena cetasā ekaṃ disaṃ pharitvā viharatha, tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ muditāsahagatena cetasā vipulena mahaggatena appamāṇena averena abyāpajjhena pharitvā viharatha. upekkhāsahagatena cetasā ekaṃ disaṃ pharitvā viharatha, tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ upekkhāsahagatena cetasā vipulena mahaggatena appamāṇena averena abyāpajjhena pharitvā viharathāti.

⁴¹yathā naṃ sī, syā, pts

⁴²catutthaṃ machasaṃ, syā

12. atha kho te pāpima bhikkhū kakusandhena⁴³ bhagavatā arahatā sammā sambuddhena evaṃ ovadiyamānā evaṃ anusāsiyamānā araṇṇagatāpi rukkhamaṇagatāpi suṇṇāgāragatāpi mettāsahagatena cetasā ekaṃ disaṃ pharitvā vihariṃsu. tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ mettāsahagatena cetasā vipulena mahaggatena appamāṇena averena abyāpajjhena pharitvā vihariṃsu. karuṇāsahagatena cetasā ekaṃ disaṃ pharitvā vihariṃsu. tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ karuṇāsahagatena cetasā vipulena mahaggatena appamāṇena averena abyāpajjhena pharitvā vihariṃsu. muditāsahagatena cetasā ekaṃ disaṃ pharitvā vihariṃsu. tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ muditāsahagatena cetasā vipulena mahaggatena appamāṇena averena abyāpajjhena pharitvā vihariṃsu. upekkhāsahagatena cetasā ekaṃ disaṃ pharitvā vihariṃsu. tathā dutiyaṃ tathā tatiyaṃ tathā catutthiṃ iti uddhamadho tiriyaṃ sabbadhi sabbattatāya sabbāvantāṃ lokaṃ upekkhāsahagatena cetasā vipulena mahaggatena appamāṇena averena abyāpajjhena pharitvā vihariṃsu.

13. atha kho pāpima dūsissa mārassa etadahosi: "evampi kho ahaṃ karonto imesaṃ bhikkhūnaṃ sīlavantānaṃ kalyāṇadhammānaṃ neva jānāmi āgatiṃ vā gatiṃ vā.

⁴³kakusandena syā

yannūnāhaṃ brāhmaṇagahapatike anvāvisēyyaṃ: etha tumhe, bhikkhū sīlavante kalyāṇadhamme sakkarotha garukarotha mānetha pūjetha appevanāma tumhehi sakkarīyamānānaṃ garukarīyamānānaṃ māniyamānānaṃ pūjiyamānānaṃ siyā cittassa aññattaṃ yathā taṃ dūsi māro labhetha otāranti. atha kho te pāpima, dūsi-māro brāhmaṇagahapatike anvāvisi: etha tumhe, bhikkhū sīlavante kalyāṇadhamme sakkarotha garukarotha mānetha pūjetha. appevanāma tumhehi sakkarīyamānānaṃ garukarīyamānānaṃ māniyamānānaṃ pūjiyamānānaṃ siyā cittassa aññathattaṃ yathā taṃ⁴⁴ dūsi māro labhetha otāranti. atha kho te pāpima brāhmaṇagahapatikā anvāviṭṭhā⁴⁵ dūsinā mārena bhikkhū sīlavante kalyāṇadhamme sakkaronti garukaronti mānenti pūjenti. ye kho pana pāpima tena samayena manussā kālaṃ karonti, yebhuyyena kāyassa bhedā parammaraṇā sugatiṃ saggaṃ lokaṃ upapajjanti.

14. atha kho pāpima, kakusandho⁴⁶ bhagavā arahāṃ sammāsambuddho bhikkhū āmantesi: anvāviṭṭhā kho bhikkhave brāhmaṇagahapatikā dūsinā mārena " etha tumhe, bhikkhū sīlavante kalyāṇadhamme sakkarotha garukarotha mānetha pūjetha. appevanāma tumhehi sakkarīyamānānaṃ garukarīyamānānaṃ māniyamānānaṃ pūjiyamānānaṃ siyā cittassa aññathattaṃ yathā taṃ dūsi māro labhetha otāranti. " etha tumhe bhik-

⁴⁴yathā naṃ sī, syā, pts

⁴⁵anvāvisiṭṭhā machasaṃ, syā

⁴⁶kakusano syā

khave, asubhānupassī⁴⁷ kāye viharatha. āhāre paṭikkūlasaññino sabbaloke anabhiratasaññino⁴⁸, sabbasaṅkhāresu aniccānupassinoti.

15. atha kho te pāpima, bhikkhū kakuśandhena⁴⁹ bhagavatā arahatā sammāsambuddhena evaṃ ovadiyamānā evaṃ anusāsiyamānā araṇṇagatāpi rukkhamaḷagatāpi suṇṇāgāragatāpi asubhānupassī kāye viharimṣu, āhāre paṭikkūlasaññino, sabbaloke anabhiratasaññino sabbasaṅkhāresu aniccānupassinoti.

16. atha kho pāpima, kakuśandho bhagavā arahamaṃ sammāsambuddho pubbanhasamayaṃ nivāsetvā patatāvamaṃ ādāya āyasmatā vidhurena pacchā samaṇena gāmaṃ piṇḍāya pāvisi. atha kho pāpima dūsi māro aṇṇatamaṃ kumāraṃ⁵⁰ anvāvisitvā sakkhamaṃ gahetvā āyasmato vidhurassa sīse pahāraṃ adāsi⁵¹. sīsaṃ⁵² vobhindi. atha kho pāpima āyasmā vidhuro bhinnena sīsenā lohitenā galantena kakuśandhamyeva⁵³ bhagavantaṃ arahantaṃ sammāsambuddhaṃ piṭṭhito piṭṭhito anubandhi. atha kho pāpima kakuśandho⁵⁴ bhagavā arahamaṃ sammāsambuddho nāgāpalokitaṃ apa-

⁴⁷ asubhānupassinoti machasaṃ

⁴⁸ anabhiratasaññino machasaṃ

⁴⁹ kakuśandhena syā

⁵⁰ kumāraṃ machasaṃ, syā

⁵¹ pahāramadāsi machasaṃ, syā

⁵² sīsaṃ te bhindissāmīti katthaci

⁵³ kakuśandaṃ yeva syā

⁵⁴ kakuśando syā

lokesi: na cāyaṃ⁵⁵ dūsī māro mattamaññāsīti. sahāpalokanāya⁵⁶ ca pana pāpima dūsī māro tamhā ca⁵⁷ ṭhānā cavi. mahānirayañca upapajjī.

17. tassa kho pana pāpima mahānirayassa tayo nāmadheyyā honti: chaphassāyataniko itipi, saṅkusamāhato itipi, paccattavedaniyo itipi. atha kho maṃ⁵⁸ pāpima nirayapālā upasaṅkamitvā etadavocaṃ: yadā kho te mārīsa saṅkunā saṅku hadaye samāgaccheyya, atha naṃ ājāneyyāsi⁵⁹ 'vassasahassaṃ me niraye paccamaññāsa'ti. so kho ahaṃ pāpima bahūni vassāni⁶⁰ bahūni vassasatāni bahūni vassasahassāni tasmiṃ mahāniraye apacciṃ. dasavassasahassāni⁶¹ tasseva mahānirayassa ussade apacciṃ vuṭṭhānimaṃ nāma vedanaṃ⁶² vediyamāno. tassa mayhaṃ pāpima evarūpo kāyo hoti seyyathāpi manussassa. evarūpaṃ sīsaṃ hoti seyyathāpi macchassa.-

kīdiso nirayo āsi,
yattha dūsī apaccatha;
vidhuraṃ sāvakaṃ āsajja,
kakuṣaṇḍhañca⁶³ brāhmaṇaṃ.

⁵⁵ nacāyaṃ pts, syā

⁵⁶ nāgāpalokanāya sī sabhāpalokanā

⁵⁷ tamhāva sī

⁵⁸ atha naṃ tvam syā

⁵⁹ atha naṃ tvam jāneyyāsi machasaṃ

⁶⁰ bahunivassasatāni sī

⁶¹ dasasahassāni syā

⁶² vuṭṭhānavedanaṃ syā

⁶³ kakuṣaṇḍhañca syā

satam āsi ayosaṅku,
 sabbe paccattavedanā;
 īdiso nirayo āsi,
 yattha dūsī apaccatha;
 vidhuram sāvakaṃāsajja,
 kakundhañca brāhmaṇam.

yo etamabhijānāti⁶⁴,
 bhikkhu buddhassa sāvako;
 tādisaṃ bhikkhumāsajja,
 kaṇha dukkham nigacchasi.

majjhe sarassa tiṭṭhanti,
 vimānā kappatṭhāyino⁶⁵;
 veluriyavaṇṇā rucirā,
 accimanto pabhassarā;
 accharā tattha naccanti,
 puthu nānattavaṇṇiyo.

yo etamabhijānāti⁶⁶,
 bhikkhu buddhassa sāvako;
 tādisaṃ bhikkhumāsajja,
 kaṇha dukkham nigacchasi.

yo ve buddhena cudito,
 bhikkhusaṅghassa pekkhato;
 migāramātupāsādam,

⁶⁴so etamabhijānāmi sī

⁶⁵kappatṭhāyino syā, sī, katthaci

⁶⁶so etamabhijānāmi sī

pādaṅguṭṭhena kampayī.

yo etamabhijānāti⁶⁷,
bhikkhu buddhassa sāvako;
tādisaṃ bhikkhumāsajja,
kaṇha dukkhaṃ nigacchasi.

yo vejayantaṃ pāsādaṃ⁶⁸,
pādaṅguṭṭhena kampayī;
iddhibalenupatthaddho⁶⁹,
saṃvejesi ca devatā.

yo etamabhijānāti⁷⁰,
bhikkhu buddhassa sāvako;
tādisaṃ bhikkhumāsajja,
kaṇha dukkhaṃ nigacchasi.

yo vejayante⁷¹ pāsāde,
sakkaṃ so paripucchati;
api āvuso⁷² jānāsi,
taṇhakkhayavimuttiyo;
tassa sakko viyākāsi⁷³,
pañhaṃ puṭṭho yathātathaṃ⁷⁴.

⁶⁷so etamabhijānāmi sī

⁶⁸vejayantapāsādaṃ syā

⁶⁹iddhibalena patthaddho syā

⁷⁰so etamabhijānāmi sī

⁷¹vejayantapāsāde machasaṃ, syā

⁷²api vāsava machasaṃ

⁷³vīyākāsi si

⁷⁴yathākathaṃ syā

yo etamabhijānāti⁷⁵,
 bhikkhu buddhassa sāvako;
 tādisaṃ bhikkhumāsajja,
 kaṇha dukkhaṃ nigacchasi.

yo brahmānaṃ⁷⁶ paripucchati⁷⁷,
 sudhammāyaṃ⁷⁸ abhito sabhaṃ;
 'ajjāpi te āvuso⁷⁹ diṭṭhi,
 yā te diṭṭhi pure ahū;
 passasi⁸⁰ vītivattantaṃ,
 brahmaloke pabhassaraṃ'.

tassa brahmā viyākāsi,
 anupubbaṃ yathātathaṃ;
 'na me mārissa sā diṭṭhi,
 yā me diṭṭhi pure ahu.

passāmi vītivattantaṃ,
 brahmaloke pabhassaraṃ;
 sohaṃ ajja kathaṃ vajjaṃ,
 ahaṃ niccomhi sassato.'

yo etamabhijānāti⁸¹,
 bhikkhu buddhassa sāvako;

⁷⁵so etamabhijānāmi sī

⁷⁶brahmaṃ machasaṃ

⁷⁷paripucchi sī

⁷⁸sudhammāya sī; sudhammāyābhito machasaṃ

⁷⁹ajjāpi tyāvuso machasaṃ

⁸⁰passa mī sī

⁸¹so etamabhijānāmi sī

tādisaṃ bhikkhumāsaṃ,
kaṇha dukkhaṃ nigacchasi.

yo mahāneruno kūṭaṃ,
vimokhena⁸² aphassayi;
vanaṃ pubbavidehānaṃ,
ye ca bhūmisayā narā.

yo etamabhijānāti⁸³,
bhikkhu buddhassa sāvako;
tādisaṃ bhikkhumāsaṃ,
kaṇha dukkhaṃ nigacchasi.

na ve aggi veṭhayati⁸⁴,
ahaṃ bālaṃ dahāmiti⁸⁵;
bālova⁸⁶ jalitaṃ aggiṃ,
āsajjana sa ḍayhati⁸⁷.

evameva tuvaṃ māra,
āsajjana⁸⁸ tathāgataṃ;
sayam dahissasi attānaṃ,
bālo aggiṃva samphusaṃ.

apuññaṃ pasavī māro,

⁸²vimokkhena machasaṃ, syā, pts, sī

⁸³so etamabhijānāmi sī

⁸⁴cetayati machasaṃ, syā, pts

⁸⁵dahāmiti pts, sī

⁸⁶bālo ca machasaṃ, syā, pts

⁸⁷āsajja naṃ sa ḍayhati sīmu, machasaṃ

⁸⁸āsajjanaṃ sīmu, machasaṃ

āsajjana⁸⁹ tathāgataṃ;
kinnu maññasi pāpima,
na me pāpaṃ vipaccati.

karoto cīyati⁹⁰ pāpaṃ,
cirarattāya kandati⁹¹;
māra nibbinda buddhamhā,
āsaṃ mākāsi bhikkhusu.

iti māraṃ atajjesi⁹²,
bhikkhu bhesakalāvane;
tato so dummano yakkho,
tatthevantaradhāyathāti.

⁸⁹āsajja naṃ sīmu, machasaṃ

⁹⁰ca yati sī

⁹¹dantakasi sīmu, machasaṃ

⁹²tajjesi sīmu